

四庫全書

子部

# 欽定四庫全書

子部

廣博物志卷四十三

四

詳校官侍讀學士<sub>臣</sub>沈咸熙

主事<sub>臣</sub>祁韻士覆勘

總校官知縣<sub>臣</sub>楊懋珩

校對官編修<sub>臣</sub>潘庭筠

謄錄監生<sub>臣</sub>王曾聞

欽定四庫全書

廣博物志卷四十三

明董斯張撰

草木下 果 瓜 竹 異草 異木

古公亶父始接果木晉王愷始接花卉

物原

初修上林苑羣臣遠方各獻名果異樹亦有製為美名

以表奇麗 梨十紫梨青梨實大芳梨實小大谷梨細葉梨

縹葉梨金葉梨

出瑯琊王野家太守王唐所獻

瀚海梨

出瀚海北耐寒不枯

東王

梨出海外紫條梨棗七弱枝棗玉門棗棠棗青華棗棗

棗赤心棗西王棗

崑崙山

栗四侯栗榛栗瑰栗嶧陽栗

嶧陽

都尉曹龍所

桃十秦桃桴桃細核桃金城桃綺葉桃

獻大如拳

紫文桃霜桃

霜下可食

胡桃

出西域

櫻桃含桃

李十五紫李

綠李朱李黃李青綺李青房李同心李車下李含枝李

金枝李顏淵李

出魯

羌李燕李蠶李侯李

柰三白柰紫

柰

花紫色

綠柰

花綠色

查三蠶查羌查猴查

柰三青柰

青葉柰烏柰

棠四赤棠白棠青棠沙棠

梅七朱梅

紫葉梅紫花梅同心梅麗枝梅燕梅猴梅 杏二丈杏

材有

蓬萊杏

東海都尉于吉所獻一枝

五色

丈采

六出云是仙人所食

西京雜記

春秋運斗樞曰玉衡星散為李又散為桃散為椒散為  
荆又曰璇樞星散為橘

東方有三尺之桃食之壽短

神異經

得綏山一桃雖不能仙亦足以豪

列仙傳

陶真君曰服三樹桃花盡則面色如桃花桃膠服之可  
仙桃終冬不落者為桃豪亦云桃奴桃蠹亦可食能悅

人顏色又海上有偏桃人亦果屬

秦吏以私恨告民吳旦生盜食宗廟御桃旦生對曰民不敢食也王曰剖其腹出其桃史記惡而書之曰食桃之肉當有遺核王不知此而剖人腹以求桃非理也

鍾離

意別傳

梅一種一蒂結雙實名為鴛鴦梅

華夷考

邯鄲有故宮基存焉中有趙王之果園梅李至冬而花

春得而食

述異記

豹祠赤杏銅馬朱櫻房陵緗李

王廙洛都賦

番禺有酸柿甜梅李又果賦云梅甜柿酸

述異記

西王母居龍月城中產黃中李花實上皆有黃中二字

王母惜之過於蟠桃

集真記

五雲丹山上有玄雲之李食之得仙

真人王褒內傳

李有黃建李青皮李馬肝李冬李十一月熟

廣志

瀨鄉老子祠有紫石榴紅縹李一李二色

南居細李四月先熟

風土記

朔與弟子俱行朔渴令弟子叩道邊家門不知室主姓名呼不應朔復往見博勞飛集其家李樹上朔謂弟子曰主人當姓李名博勞汝呼當應室中人果有姓李名博勞出與朔相見即入取飲與之

東方朔占 附高僧傳曰釋道安與弟子

惠遠等四百餘人渡河南遊夜行值雷雨乘電光而進前行得人家見門裏有兩株柳柳之間懸一馬兜可容一斛安使呼林百升主人驚出果姓林名百升百升謂是神人厚相賞接既而弟子問何以知其姓字安曰兩木為林兜容百升也

魏文帝安陽殿前天降朱李八枚啖一枚數日不食今



李種有安陽李大而有甘者即其種也

述異記

安丘望之病篤弟子公沙都來省之與安丘共坐庭樹下安丘曉然有痊聞李香開目見雙赤李著枯枝都仰手承李自墮掌中安丘食之所苦除盡

嵇康高士傳

楊惛幼時學庭有李樹實落羣兒爭取唯惛頽然獨坐季父暉見而異之遂為惛別葺一室命處其中以銅盤具盛饌而飯焉因謂諸子曰汝輩若能如遵彥便得竹林別室銅盤重肉之食

北史

杏者東方歲星之精

典術

濟南郡之東南有分流山山上多杏大如梨黃如橘土

人謂之漢帝杏亦曰金杏

雜俎

范蠡宅在湖中有海杏大如拳

吳地記

僊人有三玄紫杏

南嶽夫人傳

嵩山東北有牛山其山之杏至五月爛然黃茂自中國

喪亂百姓饑饉皆資此為命人人充飽而杏不盡

嵩高山記

北齊武帝改芳林園為仙都苑植名果有合歡杏同心

李

花木  
錄

有紫柰大如斗甜如蜜核紫花青研之有汁如漆可染衣其汁著衣不可湔浣亦名闇衣柰

夏禹詣鍾山啖紫柰醉金酒服靈實行九真而猶葬於

會稽

真  
詰

即夕殿中虎賁宣詔賜臣冬柰一奩詔使溫啖夜非食時而賜見及柰以夏熟今則冬至物以非時為珍恩以絕口為厚詔曰此柰從梁州來道里既遠又來東轉暖

故稍變色不佳耳

曹植表

西旅獻崑山之蒲桃北燕薦朔濱之巨栗

王逸荔枝賦

穀城紫棗長二寸西王母棗三月熟在衆果之先

廣記

有三皇棗駢白棗灌棗又有岐廡棗桂棗夕棗

上

郭璞云棗細腰者今謂之鹿盧棗

正月一日日出時反斧班駁椎之名嫁棗不椎則花無

實子易零落也

齊民要術

信都獻仲思棗四百枚長四五寸正紫色齊時有山人

仲思得此棗種之因以為名

大業拾遺

玄瓠灣中有地數頃上有栗園栗小殊不並固安之實也然歲貢三百石以充天府水渚即栗洲也樹木高茂望若屯雲積氣矣林中有栗堂射埽甚閑敞牧宰及英彥多所遊薄

水經注

拂菻南有國曰磨鄰人食鵲莽鵲莽波斯棗也

西域傳

鐘山之棗其大如餅

魯女生列傳

列玉門之棗酌葡萄之醴

漢武內傳

北方有七尺之棗南方有三尺之梨

鮑焦耕田而食穿井而飲非妻所織不衣餓於山中食

棗或問之此棗子所種耶遂嘔吐立枯而死

風俗通

景公謂晏子曰東漢之中有水而赤其中有棗華而不實何也晏子對曰昔者秦穆公乘龍而理天下以黃布裹蒸棗至東海而捐其布彼黃布故水赤蒸棗故華而

不實

晏子

秦大饑應侯請發五苑果棗粟以活民

韓子

西王母進洞淵紅藕鹽州甜雪崑流素蓮陰岐黑棗其

樹百尋實長二尺核細而柔百年一熟

拾遺記

崑嶺細棗出崑嶺山山臨碧海上萬年一實如今之軟

棗咋之有膏膏可燃燈西王母握以獻帝

洞冥記

孟節能含棗核不食可至十年

後漢書

石虎園有西王母棗味絕美枝葉忽茂四時不凋九月  
生花十二月乃熟三子一尺又有羊角棗亦三子一尺

鄴中記

沙門竺惠猷太元二年夜夢讀詩五百首其一篇後曰

陌南酸棗樹名為六奇木遣人以伐取載還柱馬屋

異苑

晉太元中南郡忻

一作陵縣有棗樹

一年忽生桃李棗

三種花

上

光祿卿李郁因晝寢夢食巨棗覺而有疾謂其親友曰

嘗聞棗重東呼魂之象今予神氣逼抑將不免乎未幾

而卒

晉書

晉陽館中有一蠕蠕客館胡沙門指語綦母懷文云此



人有異筭術時庭中棗樹方實令布筭即知其數并赤白若干唯少一子筭者曰必不少但更撼之果落一實

神僧傳

一日明霞院美人楊夫人喜報帝曰酸棗邑所進玉李一夕忽長清陰數畝帝沈默甚久曰何故而忽茂夫人云是夕院中人聞空中若有千百人語言云李木當茂洎曉看之已茂盛如此帝欲伐去左右或奏曰木德來助之應也又一夕晨光院周夫人來奏云院中楊梅一

夕忽然繁盛帝喜問曰楊梅之茂能如玉李乎曰楊梅雖  
茂終不敵玉李之盛帝往兩院觀之亦自見玉李繁茂  
後梅李同時結實院妃來獻帝問二果孰勝院妃曰楊  
梅雖好味頗清酸終不若玉李之甘苑中人多好玉李  
帝嘆曰惡梅好李豈人情哉天意乎

海山記

紫清九華真妃手中先握三枚棗色如乾棗而形長大  
內無核亦不作棗味有似於梨味耳

真語

扶桑國有赤梨經年不壞

齊書

恒陽黃梨巫山朱橘

七

太上之藥果有玄光梨

漢武內傳

梨則大谷冬熟張公秋黃

洛都賦

謝眺謝梨啓曰味出靈關之陰旨珍玉津之萃

塗山梨大如升色紫千年一花亦曰紫輕梨

祝融峯上有碧玉壇方五尺東有紫梨高三百尺乃夏

禹所植實大如斗赤如日若得食長生不死

真仙通鑑

雲陽宮記曰雲陽車箱坂下有梨園一頃梨數百株青

翠繁密望之如車蓋

三輔黃圖

宋泰始既失彭城江南始傳種消梨先時所無百姓爭

欲種植識者曰當有姓蕭而來者十餘年齊受禪

南齊書

安公講僧常數百習彥威曾餉十梨值安開講安便於

座中手自剖分梨盡人徧都無頗偏

神僧傳

玉乳梨煬帝時有之

華夷花木考

魏高聰以高肇之黨彈廢於家斷絕人事唯修營園果

世稱高聰梨以為珍異

北史

橘見屍而實繁榴得骸而葉茂

張華感應類從志

橘柚冬生而人曰冬死少者歟薺麥夏死而人曰夏生

生者衆

春秋繁露

扶桑東五萬里有磅礴山上有樹樹百圍其花青黑萬歲一實鬱水在磅礴山東其水小流在大陂之下所謂沉泉亦名重泉生碧藕長千常七尺為常也條陽山出神蓬如蒿長十丈周初國人獻之周以為宮柱所謂蒿宮也中有白橘花色翠而實白大如瓜香聞數里

拾遺記

越中有王氏之橘園胡氏之梅山賀氏之瓜丘吳中有

陸家白蓮顧家斑竹趙有韓氏之酸棗

述異記

勾漏縣有白橘青椒縹杏

越人多橘稅謂之橙橘戶

並上

交趾有橘官長一人秩二百石主歲貢御橘

司馬相如作賦不知盧橘為枇杷鄭玄注禮不知橘之

非梨

錄冬錄

景公使晏子使於楚楚王進橘置削晏子不剖而并食

之楚王曰橘當去剖晏子對曰臣聞之賜人主前者瓜  
桃不削橘柚不剖今萬乘無教臣不敢剖然非臣不知  
也

說苑

楊由字哀侯習占候為郡文學掾時有風吹削哺太守  
以問由由曰方當有薦木實者其色黃赤頃之五官掾

獻橘數包

後漢書

漢章帝元年上虞縣獻二蒂瓜玉色橘

述異記

吳黃武中交趾太守士燮獻橘十七實同一蒂以為瑞

異羣臣畢賀

南方草木狀

王靈之年十三喪父二十年鹽醋不入口被病在牀忽有一人來問病謂之曰食橘當差俄而不見庭中橘樹隆冬乃有三實食之病尋愈以為至孝所感

俗說

梁使徐君房與魏使陳昭各言方物昭問君房葡萄味何如橘柚答曰津液奇勝芬芳滅之君房曰金衣素裹見包作貢向齒自消良應不及

談數

陳後主夢黃衣人圍城繞城橘盡伐去之及隋兵至上



下道服黃衣

廣五行記

有巴邛人家有橘因霜後諸橘盡收餘二大橘如三四  
斗盎巴人即令扳摘輕重亦如常橘剖開每橘有二老  
叟鬚眉浩然肌體紅明皆相對象戲身尺餘談笑自若  
但與決賭訖一幅絳臺山霞實散二劑一叟曰君輸我  
瀛洲玉塵九斛阿母療髓凝酒四種阿母女能盈娘子  
躋虛龍縞襪八綌後日于先生青城草堂還我耳又有  
一叟曰王先生許來竟待不得橘中之樂不減商山但

不得深根固蒂於橘中耳有一叟曰僕饑虛矣須龍根  
脯食之即於袖中抽出一草根方圓徑寸形狀宛轉如  
龍毫釐罔不周悉因削食之隨削隨滿食訖以水嚥之  
化為一龍二叟共乘之足下泄泄雲起須臾風雨晦冥  
不知所在

幽明錄

其果實之珍者樹有荔枝蔓有辛薊園有芳蒟香茗給  
客橙葵其藥物之異者有巴戟天椒竹木之瑣者有桃

枝靈壽

華陽國志

南中橙柑青烏所食始霜之日採之風味照座擘之香霧嘆人皮薄而味珍脈不沾膚食不留滓甘踰萍實冷

亞冰壺

劉孝標啓

蜀士有給客橙似橘而非若柚而香冬夏華實相繼通

歲食之亦名盧橘

花木志

丹陽張盤字子石為廬江太守潯陽令嘗餉一奩柑其

小男年七歲就取一枚盤奪其柑外卒以兩枚與之盤

奪兒柑鞭卒曰何故行賂於吾子

晉書

南康郡南東望山有三人入山見山頂有果樹衆果畢  
植行列整齊柑子正熟三人共食致飽乃懷二枚欲出  
示人聞空中語云催放雙柑乃聽汝去

搜神記

河內司馬元屑元嘉中為新淦令喪官月旦設祭柑化  
而為鳶

吳苑

舊南海獻龍眼荔枝十里一置五里一候奔騰阻險死  
者繼路和帝時臨武長汝南唐羌以縣接南海乃上書  
諫曰臣聞上不以滋味為德下不以貢膳為功故天子

食太牢為尊不以果實為貴伏見交趾七郡獻生龍眼等鳥驚風發南州土地惡蟲猛獸不絕於路至於觸犯死亡之害死者不可復生來者猶可救也此二物升殿未必延年益壽帝於是下詔曰遠國珍羞本以薦奉宗廟苟有傷害豈有愛民之本其勅大官勿復受獻由是遂省焉

謝承後漢書

楊沛為新鄭長課長蓄桑椹太祖西迎天子軍無糧沛乃進乾椹後為鄴令

魏畧

北方有白桑椹長數寸食之甘美

異苑

漢興平元年九月桑再椹時劉玄德軍於沛年荒穀貴士衆皆饑仰以為糧

太元中太原王戎為鬱林太守泊船新亭眠夢有人以七枚椹子與之著衣襟中既覺得之占曰椹桑子也自後男女大小凡七喪

並上

南荒山有甘蔗之林其高百大圍三尺八寸促節多汁甜如蜜咋嚙其汁令人潤澤可以節魃蟲人腹中魃蟲

其狀如蛆此消穀蟲也多則傷人少則穀不消是甘蔗

能減益多少

神異經

扶南甘蔗一丈三節白日炙便銷清風吹即折安定之

梨皮薄味厚一歲三花一枚二升

梁吳均食移

蔗有二種赤者名崑崙蔗白者名荻蔗

昔有二人共種甘蔗而作誓言種好者賞其不好者當重罰之時二人中一者念言甘蔗極甜若壓取汁還灌甘蔗樹必得勝既取汁溉冀望滋味反敗種子所有甘

蔗一切都失世人亦爾欲求善福恃已豪貴倚形挾勢  
逼脅下民陵奪財物用作福善不知將來反獲其殃如  
壓甘蔗彼此都失

法苑珠林

劉涓子答國書曰胡桃本生西羌外剛樸內柔甘質似

古賢欲以奉貢

晉書

昔者舍衛國有一貧家庭中有蒲萄樹上有數穗念施  
道人時國王先前請食一月是貧家力勢不如王正懸  
一月乃得一道人便持施之語道人言念欲施來已經



一月令乃得願道人語優婆夷已一月中施優婆夷言  
我但施一穗蒲萄那得一月施耶道人言但一月中念  
欲捨施則為一月也

雜譬  
喻經

陸機與弟雲書曰張騫使外國十八年得塗林安石榴  
亦名丹若甜者謂之天漿

石榴之實醉三尸拾櫨之木厭邪鬼

玄覽

林檎一名來禽

郭文在山間有石榴楊梅等花為樵牧所傷文賣簪沽

酒以澆花樹人問之曰為二子洗瘡止痛

景范

果有隱夫木有女貞

益智子如筆毫長七八分二月花色若蓮著實五六月

熟味辛雜五味中芬芳亦可鹽曝出交趾合浦建安八

年交州刺史張津嘗以益智子粽餉魏武帝

南方草木狀

古度樹不花而實實從皮中出大如安石榴色赤可食

其實中如有蒲藜者取之為粽數日不煮皆化成蟲如

蟻有翼穿皮飛出著屋正黑

交州記

千歲子一苞二百餘顆皮殼青黃色殼中有肉如栗味

亦如之出交趾

雲南志

留求子形如梔子稜瓣深而兩頭尖似訶梨勒而徑及

半黃已熟中有肉白色甘如棗核大治嬰孺之疾

草木狀

楊梅似橄欖其味甜五月十月熟諺曰楊桃無蹙一歲

三熟其色青黃核如棗核

異物志

編樹堃生三月花色仍連著實五六月成子及握煮投

下魚雞鴨羹中好亦出鹽藏出交趾武平

草木狀

州樹莖生二月花色仍連著實及握煮如李子五月熟  
剝核滋味甜出武平

南方記

前樹莖生二月花色連青實如手指長三寸五六月熟  
以湯滴之削去核食以糟鹽藏之味辛可食出交趾

石南樹野生二月花色仍連著實實如燕卵七八月熟  
人採之取核乾其皮中作肥魚羹和之尤美出九真

國樹子如雁卵野生三月花色連著實九月熟曝乾訖

剝殼取食之味似栗出交趾

並上

欵似栗赤色子大如栗散有棘刺破其外皮內白如脂

肪著核不離味甜酢核似荔枝

廣州記

槃多樹不花而結實實從皮中出自根著子至杪如橘  
大食之過熟內許生蜜一樹者皆有數十嵩山記曰嵩  
寺忽有思惟樹即貝多也有人坐貝多樹下思惟因以  
名焉漢道士從外國來將子於山西脚下種極高大今

有四樹一年三花

裴淵廣州記

細葉子並似椒味如羅勒嶺北呼為木羅勒

顧微廣州記

枳椇葉似蒲柳子似珊瑚其味如蜜十月熟樹乾者美

出南方邳鄆枳椇大如指

廣志

木豆出徐門子美似烏豆枝葉類柳一年種數年採

廣州

記

楮樹子似桃實二月花色連著實七八月熟鹽藏之味

辛出交趾

南方記

樗樹子如桃實長寸餘二月花色連著實五月熟色黃

鹽藏味酸似白梅出九真

上

梓椈大十圍材貞勁非利剛截不能尅堪作船其實類

棗著枝葉重曝挽垂刻鏤其皮藏味美於諸樹

異物志

五子樹實如梨裏有五核因名五子治霍亂金瘡

裴淵廣州記

白緣樹高大餘實味甘美於胡桃

交州記

都昆樹野生二月花色仍連著實八九月熟如雞卵里

民取食之皮核滋味酸出九真交趾

草木狀

關桃子其味酸士翁子如漆子大熟時甜酸其色青黑

枸槽子如指頭大正赤其味甘雞橘子大如指味甘永

寧界中有之猴總子如小指頭大與柿相似其味不減  
於柿多南子如指大其色紫味甘與梅子相似出晉安  
王壇子如棗大其味甘出侯官越王祭太乙壇邊有此  
果無知其名因見生處遂名王壇其形小於龍眼

臨海異物

志

劉樹子大如李實三月花色仍連著實七八月熟其色

黃其味酢煮蜜藏之仍甘好

草木狀

欝一名雀李又名車下李又名郁李亦名棣亦名菓李



毛詩七月食鬱及薺

廣雅

柳二月花色仍連著實房相連累房三十或二十七八  
子十一月十二月熟其樹黃實俗名之為丹也橫破之  
可作椀或微長如括萋子從破之可作為爵

草木狀

鬼目樹大者如李小者如鴨子二月花色仍連著實七  
八月熟其色黃味酸以蜜煮之滋味柔嘉交趾武平興  
古九真有之也

橄欖子大如棗大如雞子二月花色仍連著實八月九

月熟生食味酢蜜藏仍甜

並上

博羅縣有合成樹十圍去地二丈分為三衢東向一衢  
木葉似練子如橄欖而硬去皮南人以為糝南向一衢  
橄欖西向一衢三丈三丈樹嶺北之候也

南越志

荔支樹高五六丈如桂樹綠葉蓬蓬冬夏鬱茂青華朱  
實實大如雞子核黃黑似熟蓮子實白如肪甘而多汁  
似安石榴有甜酢者夏至日將已時翕然俱赤則可食  
也一樹下子百斛隄為隄道南廣荔支熟時百鳥肥其

名曰焦核小次曰春花次曰胡偈此三種為美似鼈

卵大而酸以為鹽和率生稻田間

廣志

桶子大如雞卵三月花色仍連著實八九月熟採取鹽

酸漚之其味酸醋以蜜藏滋味甜美出交趾

草木狀

山檳榔一名納子幹似蕉葉類柞一叢千餘幹幹生十

房房底數百子四月採

竺法真登羅浮山疏

豆蔻樹大如李二月花色仍連著實子相連累其核根

芬芳成殼七月八月熟曝乾剝食核味辛香和五味出興

古

草木狀

植查子甚酢出西方

廣志

餘柑大小如彈丸剖之理如定陶瓜初入口苦澁咽之口中乃更甜美足味鹽蒸尤美可多食

異物志

芭蕉葉大如筵席其莖如茅取蕉而煮之則如絲可紡績女工以為締綌則今交趾葛也其内心如蒜鵠頭生大如今拌因為竇房著其心齊一房有數十枚其實皮赤如火剖之中黑剝其皮食其肉如飴蜜甚美食之四

五枚可飽而餘滋味猶在齒牙間一名甘蕉

上

扶留木根大如箸視之似柳根又有蛤名古貴生水中  
下燒以為灰曰牡礪粉先以檳榔著口中又取扶留藤  
長一寸古貴灰少許同嚼之除胸中惡氣

蜀記

蠶齋子如彈丸

魏武帝  
食品

甘藷蓋薯蕷之類或云芋類根葉亦同其實如拳有大  
如甌者皮紫而肉白蒸嚙食之味如薯蕷性不甚冷舊  
珠崖海中人不耕稼惟種甘藷秋熟收蒸熟切如米粒

囤貯以充糧糗是名儲糧佐筵如粳粟然海人食此皆

壽百餘歲

草木狀

雀芋狀如雀頭置乾地反濕置濕地反乾飛鳥觸之墮

走獸遇之僵

神異經以下瓜

大霍山下有洞臺司命君之府也中有神靈瓜食之心

通至玄

黃庭經

有龍肝瓜長一尺花紅葉素生於水谷所謂水谷素葉

之瓜仙人瑕丘仲得此瓜食之千歲不渴

洞冥記

西王母仙家上藥有空同靈瓜

漢武內傳

有青燈瓜大如三斗魁玄表丹裏呈素含紅攬之者壽

食之者仙

神仙傳

瓜之所出以遼東廬江燉煌之種為美有烏瓜有魚瓜

廣志

龍蹄獸掌羊髓兔頭皆瓜屬又金釵虎蟠白瓠玄肝素

腕並陸機賦中瓜名也

上

煬帝改胡床為交床胡瓜為白露黃瓜改茄子為崑崙

紫瓜

大業拾遺

靺鞨國西瓜一枚用二人舉之

瀛涯勝覽

初刑史子臣謂朱素公從今以往五祀五日臣死後五年五月丁亥吳亡以後五祀八月辛巳君薨刑史子臣至死日朝見素公夕而死後吳亡素公懼思刑史子臣之言將至死日乃逃於瓜圃死之求得已虫矣

古文瑣語

秦始皇密令人種瓜於驪山硎谷中溫處瓜實成使人上書曰瓜冬有實有詔下博士諸生說之人人各異則



皆使往視之而為伏機諸儒生皆至方相難不決因發

機從上填之以土皆壓死

古文奇字

衛國縣西南有瓜穴冬夏常出水望之如練時有瓜葉  
出焉相傳苻秦時有李班者頗好道術入穴中行可三  
百步廓然有宮宇牀榻上有經書見二人對坐鬚髮皓  
白班前拜於牀下一人顧曰卿可還無宜久住班辭出  
至穴口有瓜數箇欲取乃化為石尋故道得還至家家  
人云班去來已經四十年矣

谿父者南郡鄱人也居山間有仙人常止其家從買瓜  
教之鍊瓜子與桂附子並實共藏而對分食之二十餘  
年能飛走升山入水

列仙傳

明帝陰貴人夢食瓜甚美帝使求諸方國時燉煌獻異  
瓜種恒山獻巨桃核瓜名穹窿長三尺而形屈曲味美  
如飴帝使植於霜林園園皆植寒果積冰之節百果方  
盛俗謂之相陵與霜林之聲訛也后崩內侍者見鏡奩  
中有瓜桃之核

拾遺記

吳桓王時會稽生五色瓜今吳中有五色瓜歲充貢賦

述異

記

鄭灼字茂昭勵志好學多苦心熱若瓜時輒偃臥以瓜鎮心起便讀誦其篤志如此

南史

後魏宋瓊母病冬月思瓜瓊夢見人與瓜覺得之手中

時稱孝感

夢雋

焦華父遺病甚冬月思瓜華夢一人黃冠謂曰聞子病父思瓜故送子瓜華拜而受及寤在手瓜香異甚父食

瓜而病愈

上

豫章有廬松村郡人羅根生來此村側墾荒種瓜果園中有一神壇瓜始引蔓忽見壇上有一新板墨書云此是神地可速出去根生祝曰審是神教願更朱書賜報明早往看向板猶存字悉以朱代墨根生謝而去也

述異記

韓靈珍靈敏兄弟性至孝母亡家貧無以葬兄弟種瓜朝採暮還復生葬事由此舉

南史

任昉卒武帝方食西苑綠沉瓜投之於盤悲不自勝

上

強練師不知何許人所至之處人皆敬而信之晉公護未誅之前曾手持一大瓠到護門外抵而破之乃大言

曰瓠破子苦未幾而護誅諸子並伏法

後周書以下竹

竹則簣簞白烏實中紺族濱榮幽渚繁宗隈曲萋倩陵

丘薨逮重谷

曹昆湘史賦見齊民要術

竹則苞甜赤若縹箭斑弓度世推節征合實中簣簞幽

人桃枝育蟲紺箸素筍彤竿綠筒

王彪之閩中賦

竹之醜有四有青苦者白苦者紫苦者黃苦者

齊民要術

五月十三日謂之竹醉又謂竹迷

上

竹得風其體大屈謂之竹笑

越王竹根生石上若細荻高尺餘南海有之南人愛其

青色用為酒籌云越王棄餘算而生竹

草木狀

篩竹一名太極長百餘丈南方以為船

神異經

南方荒中有涕竹長數百丈圍三丈五六尺厚八九寸

可以為船其筍甘美煮食之可以止創瘍

上

由梧竹吏民家種之長三四丈圍一尺八九分作屋柱

出交趾

草木狀

雲母竹一節為船出扶南

上

君乘土而王其政太平蔓竹紫脫常生

禮斗威儀

雞腔竹筍肥美

筍譜

石麻之竹勁而利削以為刀切象皮如切芋

廣州記

臨賀謝休縣東山有大竹數十圍長數丈有小竹生旁  
皆四五尺圍下有盤石徑四五丈極高方正青滑如彈  
棊局兩竹屈垂拂掃其上初無塵穢未至數十里聞風

吹楚竹如簫管之音

咸弘之  
荊州記

有竹曰簫其大數圍節間相去局促中實滿堅強以為

為柱檠

異物志

棘竹有刺長七八丈大如甕上

惠帝二年巴西郡竹生紫色花結實如麥皮青中米白

味甜

晉起居注

狗竹毛在節間

臨海異物志

葺竹頭有父文簾

音模

竹黑皮竹有文籜

音感

竹有毛籜

力印



反  
竹實中

字林

凝波竹實服之肌滑體輕趙飛燕舞於手掌上服此實也出區吳山紫枝綠葉堅滑如玉風吹有聲如環珮成帝種於臨池觀更名曰環珮竹花如海榴實如蓮子而

小雲窗

私志

東海畔孤竹生焉斬而復生中為舟武王時孤竹人獻

筍一枝

述異記

澁勒竹之有芒者也一名篋簍

林於竹薄而廣

竹譜

天門山角上各生一竹倒垂拂拭謂之天帚

盛弘之荊州記

玉潤桃枝之麗魚腸金母之名

梁簡文修竹賦

羅浮山第三十一嶺半是巨竹皆七八圍長一二丈葉

如芭蕉謂之龍鍾竹

南越志

有浮筠之幹葉青莖紫子大如珠有青鸞集其上下有

沙礪細如粉柔風至葉條翻起拂細沙如雲霧仙者來

觀而戲焉吹風竹葉聲如鐘鼓之音

拾遺記

建安有篋簾竹節中有人長尺許頭足皆具

異苑

公孫竹高不盈尺可為几案之玩

會稽縣志

雷州貢電斑竹

植物之中有名曰竹不剛不柔非草非木小異空實大

同節目或茂沙水或挺巖陸條暢紛敷青翠森肅質雖

冬舊性忌殊寒九河鮮育五嶺實繁萌勾苞籜夏多春

鮮根幹將枯花復

音福

乃縣籜

音紂死也

必六十復亦六年鍾

龍之美爰自崑崙員丘帝竹

舜也

一節為船巨細已闡形

名未聞桂實一族同稱黑源衛尤勁薄博矢之資篁任  
篙笛體特堅圓棘竹駢深一叢為林根如椎輪節若束  
針亦曰筴竹城固是任篾筍既食鬚髮則侵單體虛長  
各有所育若實稱名甘亦無目弓竹如藤其節却曲生  
多臥土立則依木長幾百尋狀若相續質雖含文須膏  
乃縹厥族之中蘇麻奇特修幹平節大葉繁枝凌羣獨  
秀翁茸紛披篁簪射筒箨桃枝長爽纖葉清肌薄皮  
千百相軋洪纖有差相繇既侈厥土唯腥三堦斯沮尋

竹乃生物尤世遠畧狀博名般腸實中與筴相類於用  
寡宜為筍殊味筍竹為矛稱利海表槿仍其幹刃即其  
杪生於日南別名為策百葉參差生自南垂傷人則死  
醫莫能為亦曰箒竹厥毒若斯彼之同異余所未知篙  
與由梧厥體俱洪圍式累尺筍實梧空南越之居梁柱  
是供竹之堪杖莫尚于筍磔硤不凡狀若人功豈必蜀  
壤亦產餘邦一曰扶老名實絲同籊籊二族亦甚相似  
把髮若竹促節薄齒束物體柔殆同麻梲蓋竹所生大

抵江東上密防露下疎來風連臥接町竦散岡潭雞脰  
似篁高而筍脆稀葉梢似類記黃細狗竹有毛出自東  
裔物類衆詭於何不許有竹象簠因以為名東甌諸郡  
緣海所生肌理勻淨筠色潤貞凡今之篴匪茲不鳴會  
稽之箭東南之美古人嘉之因以命矢筥簠載籍貢名  
荆鄙筥亦筥徒概節而短江漢之間謂之箴竹根深耐  
寒茂彼淇苑篴條蒼蒼接町連篴性不卑植必也崑岡  
踰矢稱大出尋為長物各有用埽之最良又有族類爰

挺嶧陽懸根百仞疎幹風生簫笙之選有聲四方質清  
氣亮衆管莫抗亦有海篠生於島岑節大盈尺幹不滿  
尋形枯若筋色如黃金徒為一異莫知所任赤白二竹  
遠取其色白薄而曲赤厚而直沅澧所豐餘邦鮮植肅  
肅篴簞戛戛攢植擢筍於秋冬乃成竹無大無小千萬  
脩直簞膜內髑繡丈外施篴筴誕節內實外澤作貢漁  
陽以供輅策浮竹亞節虛軟厚肉臨溪覆潦栖雲蔭木  
供筍滋肥可為旨蓄厥性異宜各有所育篴植於宛發

生於蜀篠大簋小竹之通目互各統體譬牛與犢入之所知事生軌躅赤縣之外焉可詳錄臆之筆之匪邁伊

矚

晉武昌戴凱之竹譜

瑤筍千年生一芽

道書

止些山竹長千仞鳳食其實去九疑萬八千里

筑陽孤竹三年而一筍南陵金盤之草一歲而一節

玄覽

竹名鬱離不知所出偶觀沈詩云繁陰上鬱鬱促節下

離離似出於此

女紅志



漢章帝三年子母筍生白虎殿前時謂為孝竹羣臣獻

孝竹頌

述異記

竇將軍有青竹田

三輔舊事

馬援好事至荔蒲見冬筍名苞筍上言禹貢厥包橘柚

疑謂是也其味美於春夏筍

東觀漢記

晉惠帝元康二年巴西郡界竹生花紫色結實如麥外

皮青赤白味甚甘

異苑

王徽之以菖蒲映竹曰菖蒲只以九節為貴而此君面

目聳焉芎蒲正當再拜此君而此君亦安得不受之耶

高士

春秋

辛仲宣截竹為罌以酌酒曰吾性愛竹及酒欲令二物

相並耳

襄陽耆舊傳

張廌隱居頤志家有苦竹數十頃在竹中為屋常居其中王右軍聞而造之廌逃避之竹中不與相見一郡號

為竹中高士

永嘉郡志

臨川陳臣家大富永初元年臣在齋中坐其宅內有一

町筋竹白日忽見一人長丈餘面如方相從竹中出逕  
語陳臣我在家多年汝不知今辭汝去當令汝知之去  
一月許臣家大失火奴婢頃死一年中便大貧

搜神記

宋郭仲產為南郡從事宅在枇杷寺南其村亦名枇杷  
元嘉末起齋屋以竹為牕櫺竹遂漸生枝葉長數丈扶  
疎葱翠鬱然成林仲產以為祥及孝建中同義宣之謀

被誅

述異記

元嘉四年東陽沈道先家中筋竹林忽生連理野人無

知謂之禍崇欲砍殺之

異苑

漢人有適吳吳人設筍問是何物曰竹也歸煮其牀簣而不熟乃謂其妻曰吳人輾輾欺我如此

笑林

案九合內志文曰竹者為北機上精受氣於玄軒之宿也所以圓虛內鮮重陰含素亦皆植根敷實結繁衆多矣公試可種竹於內北宇之外使美者遊其下焉爾乃天感機神大致繼嗣孕既保全誕亦壽考微著之興常守利貞此玄人之祕規行者之甚驗

陶隱居真誥

梁庾詵愛林泉常遇火止出書坐於池上曰惟恐損竹

彙苑 以

下異草

潘冢之山有草焉其葉如蕙其本如桔梗黑花而不實

名曰菴蓉食之使人無子

山海經

小華之山其草有草荔

草荔香草也  
蔽戾兩音

狀如烏韭而生於

石上亦緣木而生食之已心痛

石脆之山其草多條狀如韭白華黑實食之已疥

熊耳之山有草焉其狀蘇而赤華名曰葶藶

葶寧町  
二音可

以毒魚

朝歌之山澠水出焉有艸名曰莽草可以毒魚

浮山有草焉名曰薰

音訓

草麻葉而方莖赤花而黑實臭

如薜蘿佩之可以已癘

甘棗之山有草焉葵本而杏葉

或作楷葉

黃華而莢實名曰

穉可以已魯

脫扈之山有草焉其狀如葵葉而赤華名曰植楮可以

已癘

癘病也淮南子曰狸頭已癘也

食之不昧

大砦之山多糜玉有草焉其狀葉如榆方莖而蒼傷其

名曰牛傷其根蒼文服者不厥

厥逆氣病

可以禦兵

臯塗之山有草焉其狀如橐茷其葉如葵而赤背名曰  
無條可以毒鼠

有草焉其狀如薺而方莖黃花赤實其本如橐本名曰  
荀艸服之美人色

休與之山有艸焉其狀如蓍赤葉而本叢生名曰夙條  
可以為簪

招搖之山有草焉其狀如韭而青華其名曰祝餘

或作桂茶

食之不饑

有草焉其狀如茱白花黑實澤如蓂莢其名曰蓂草服之不昧

符禺之山其草多條其狀如葵而赤花黃實如嬰兒舌食之使人不惑

竹山有草焉其名曰黃瞿其狀如檣其葉如麻白華而赤實其狀如赭浴之已疥又可以已肘



崑崙之山有草焉名曰賓草其狀如葵其味如葱食之  
已勞

牛首之山有草焉名曰鬼草其葉如葵而赤莖其秀如  
禾服之不憂

陽華之山其草名諸蘗多苦辛其狀如櫛其實如瓜其  
味酸甘食之已瘧

鼓鐘之山有草焉方莖而黃華員葉而三成其名曰馬酸

可以為毒

為治也

姑搖之山帝女死焉其名曰女尸化為菴草其葉胥成

言葉相重也

其華黃其實如菟丘服之媚於人

有草焉葉員而無莖赤華而不實名曰無條服之不癭  
半石之山有草焉生而秀其高丈餘赤葉赤華華而不  
實其名曰嘉榮服之者不畏霆

少陁之山有草焉名曰茵艸葉狀如葵而赤莖白華實  
如蓂蓂食之不愚

賈超之山其中多龍修

龍須也似莞而細生山石穴中莖倒垂可以為席

泰山有艸焉名曰梨葉狀如荻而赤華可以已疽

大騄之山有艸焉其狀如著而毛青華而白實其名曰

蓀服之不夭可以為腹病

並上

王者有禮則威綏生

一曰威綏  
瑞應圖

威香者王者禮備則常生

宋書

華平其枝正平王者有德則生德剛則仰德柔則低

萑蒲一名倚扇

紫達王者仁義行則見

並上

王者使賢不肖位不相踰則平露生庭狀如蓋政平則

正不平則傾一名平慮

白虎道

王者繼嗣平明則賓連生於戶濶達生於房連累相承

象繼嗣也

上

王者仁義行則生紫脫

瑞應圖

漢武帝時西方日支國有獻活人草三莖有人死者將

艸覆面即活之矣

述異記

帝昇蒼龍閣思仙術召諸方士言遠國遐方之事唯東

方朔下席操筆跪而進帝曰大夫為朕言乎朔曰臣遊  
北極至種火之山日月所不照有青龍銜燭火以照山  
之四極亦有園圃池苑皆植異木異草有明莖草夜如  
金燈析枝為炬照見鬼神之物仙人甯封常服此草於  
夜暝時轉見腹光道外亦名洞冥草帝令剉此草為泥  
以塗雲明之館夜坐此館不加燈燭亦名照魅草以藉  
足履水不沉

上

帝事仙靈唯謹甲帳前置玲瓏十寶紫金之鑪李少君

取綵蜃之血丹虹之涎靈龜之膏阿紫之丹搗幅羅草  
和成香每帝至壇前輒燒一顆烟繞梁棟間久之不散  
其形漸如水紋頃之蛟龍魚鼈百怪出沒其間仰視股  
栗又然靈音之燭衆樂迭奏於火光中不知何術幅羅

香草出賈超山

奚囊  
橘柚

帝酌雲蘊酒蘊以玄草黑蕨金蒲甜蓼果以青櫻白瓜  
白芋紫莖寒蕨地花氣葛此葛於地下生花入地十丈乃  
得此葛其根倒出亦名金虎鬚草因名紫鬚葛也

洞冥  
記

有五味草初生味甘花時味酸食之使人不眠名却睡草武帝時多末國獻此草

有夢草似蒲色紅晝縮入地夜則出亦名懷夢帝思李夫人之容不可得朔乃獻一枝帝懷之夜果夢夫人因改曰懷夢草

波祗國亦名波弋國獻神精香草亦名荃靡一名春蕪一根百條其皮如絲可為布

有鳳葵草色丹赤松子食之三歲乘黃虵入水得黃珠

一枚亦名消疾珠語曰寧失千里駒不失黃蛇珠

烏哀國有龍爪薤色如玉煎之有膏以和紫桂為丸服一粒千歲不饑故語曰薤和膏身生毛

掌中芥葉如松子取其子置掌中吹之而生一吹長一尺至三尺而止然後可移於地上若不經掌中吹者則不生也食之能空中孤立足不躡地亦名躡空艸

並上

梁禾蔓生實如葵子米粉白如麴可為饘粥食牛以肥六月種九月熟感禾扶疎生似大麥楊禾似藿粒細左



折右炊停則牙生此中國巴禾木稷民火禾高丈餘子

如小豆出粟持國

廣志

東牆色青黑粒如葵子似蓬艸十一月熟出幽涼并烏

丸地

廣志

瀛洲有艸名曰芸苗狀如菖蒲食葉則醉餌根則醒

拾遺

記

有草名芸蓬色白如雪一枝二丈夜視有白光可以為

杖

有艸名莽煌葉圓如荷去之十步多人衣則焦刈之為席方冬彌溫以枝相摩則火出矣

岱輿北有玉梁千丈駕玄流之上紫苔覆漫味甘而柔食者千歲不饑

有葭紅色可編為席溫柔如蜀毳焉

遙香草其花如丹光耀日月葉細長而白如忘憂之草其花葉俱香扇馥數里故名遙香艸其子如薏中實甘香食之累月不饑渴

潯乘艸高五丈葉色紺莖如金形如半月之勢亦曰半

月草無實其質溫柔可以為布為席

並上

有合歡草狀如著一株百莖晝則衆條扶疎夜則合為

一莖萬不遺一謂之神草

洞冥記

樂浪之東有背明之國來貢其方物其北有草名虹草  
枝長一丈葉如車輪根大如轂花似朝虹之色昔齊桓  
公伐山戎國人獻其種而植於庭云霸者之瑞也有宵  
明草夜視如列燭晝則無光自消滅也有紫菊謂之日

精一莖一蔓延及數畝味甘食者至死不饑渴有焦茅  
高五丈燃之成灰以水灌之復成茅也謂之靈茅有黃  
渠草映日如火其堅韌若金食者焚身不熱有夢草葉  
如蒲莖如著採之以占吉凶萬不遺一又有聞遐草服  
者耳聰香如桂莖如蘭其國獻之多不生實葉多萎黃

拾遺  
記

祖梁國獻蔓金苔色如黃金若縈聚之大如雞卵投於  
水中蔓延於波瀾之上光出照日皆如火生水上也乃

於宮中穿池廣百步時觀此苔以樂宮人宮人有幸者  
以金苔賜之置漆盤中照耀滿室名曰夜明苔著衣襟  
則如火光上

瑤琨去玉門九萬里有碧草如麥割之以釀酒則味如  
醇酎飲一合三旬不醒但飲甜水隨飲而醒述異記

秦趙間有相思草狀如石竹而節節相續一名斷腸草  
又名愁婦草亦名孀婦草人呼寡婦莎蓋相思之流也  
義山多生微蘅艸有風不偃無風獨搖

蓆箕草一名塞路生北方胡地古詩云千里蓆箕艸  
釣影山去昭河三萬里有雲氣望之如山影丹蘂生於  
影中葉浮水上有紫河萬里深十丈中有寒荷霜下方  
香盛

旦露池西有靈池方四百步有連錢行浮根菱倒枝藻  
連錢行行如錢文浮根菱根出水上葉沈波下實細薄  
皮甘香葉半青半白霜降彌美因名青冰菱也倒枝藻  
者枝橫倒水中長九尺餘如結網有野鴨秋鳬及鷗鷺

來翔水上入此艸中皆不得出如繒網也亦名水網藻  
楚中有宮人草狀如金盞花色紅翠俗說楚靈王時宮  
人數千皆多愁曠有囚死於宮中者葬之後墓上悉生  
此花

並上

武當縣石階山西北角有大松樹樹下生草名救窮冬  
夏不枯日食三寸絕穀不饑登之度世陶先生謂之西

岳佐命是也

福地記

壽榮草出少室金山丘下服之令人不老取葉服之可

通百神

典要

餌玉長生草一名通天價值千金陰乾方寸七日再服之令人得仙

上

祖洲近在東海之中地方五百里去西岸七萬里上有不死之草生瓊田中或名養神芝草草形如菰苗長三四尺昔秦始皇大苑中多枉死者橫道有鳥如烏狀銜此草覆死人面當時起坐而自活也

十洲記

舌堦山帝之女死化為怪草其葉鬱茂其華黃色其實



如兔絲故服怪草者恒媚於人焉

搜神記

良曜草枝葉如麻黃秋結子如小粟煨食之解毒功用  
亞於吉利始有得是藥者梁氏之子耀亦以為名梁轉  
為良爾花白似牛李出高涼

草木狀

吉利草其莖如金釵股形類石斛根類芍藥交廣俚俗  
多蓄蠱毒唯此艸解之極驗吳黃武中江夏李侯以罪  
徙合浦始入境遇毒其奴吉利者偶得是草與侯服遂  
解吉利即遁去不知所之侯因此濟人不知其數遂以

吉利為名

鶴草蔓當夏開花形如飛鶴嘴翅尾足無所不備出南海云是媚草上有蟲老蛻為蝶赤黃色女子藏之謂之

媚蝶能致其夫憐愛

並上

苦蕒一名苦蕒子形如皮弁始生青熟則赤裏有實正

圓如珠長安兒童謂為洛神珠一曰王母珠

古今注

赤縣洲為崑崙之墟玉紅之草生焉食其一實醉臥三

百歲

尸子

護門草出常山取置戶下或有過其門者草必吐之一  
名百靈草

南海有草叢生如藤蔓土人視其節以占一歲之風每  
一節則一風無節則無風名曰知風草

廣志

酒柸藤出西域大如臂葉似葛實如梧桐香美可酌能

消宿醒

崔豹古今注

無畏草本名乾先佩之虎豹施爪張牙不畏不畏則不  
敢傷也出壽麻國戰國時仙人陸與進十莖於魏安釐

王無忌為如姬感之既盜兵符臨行又贈以夜光之珠  
乾先之草無忌辭珠而受草至趙畀朱亥以助其威後  
朱亥入秦秦王命力士推入柙中與虎居朱亥處之晏  
如虎亦相視如其類也秦王慙而遣之

雲牕私志

玄鹿之草生於名山人跡不到處烹而食之壽二千歲

道篇

虞美人草聞吳歎而舞沙觴聞人聲則縮

舞草出雅州人或近之歌必動葉如舞也

酉陽雜俎

芸蒿似邪蒿香可食

倉頡  
解詁

微音殿前芸香一株含英殿前芸香二株

洛陽宮  
殿

鬱金芳草也十葉為貫百二十貫采以煮之為皂

說文

劉愼草一名鹿活草昔青州劉愼宋元嘉中射一鹿剖

五臟以此草塞之蹶然而起愼怪而拔草復倒如此三

度愼密錄此草種之多主傷折俗呼為劉愼草

彙苑

孫皓天紀三年有鬼目菜生黃耆家依緣棗樹長丈餘  
莖廣四寸厚三分又有買菜生吳平家高四尺厚三分

如琵琶形上廣八寸下莖廣五寸兩邊生葉綠色東  
觀安圖名鬼目作芝草買菜作平慮草遂以考為侍芝

郎平為平慮郎

吳志

武帝為撫軍時府內後堂砌下忽生草三株莖黃葉綠  
若總金抽翠花條苒弱狀似金盞時人未知是何祥有  
一羗人姓姚名馥字世芬充廐養馬妙解陰陽之術云  
此草以應金德之瑞馥年九十八姚襄則其祖也後以  
府地賜張華猶有草在故茂先金盞賦云擢九莖於漢

庭美三株於茲館貴表祥乎金德比名類乎相亂至惠  
帝元熙元年三株草化為三樹枝葉似楊樹高五尺以  
應三楊擅權之事時有楊駿楊瑤楊濟三弟兄號曰三  
楊馬圉醉羌之所說驗

拾遺記  
下異本

以

符禺之山其上有木名曰文莖其實如棗可以已聾

山海經

招搖之山有木焉其花四照其名迷穀佩之不迷

述異記云

招搖山又

名鷓鴣山

肅慎之國有樹名維常聖人代立於此取衣

其俗無衣聖帝代立

則此木皮

可衣也

侖者之山有木焉其狀如穀而赤理其汁如漆其味如

飴食者不饑可以釋勞其名曰白荅可以血玉

血謂可用染玉

作光

彩

崇吾之山東望螭淵有木焉員葉而白拊赤華而黑理

其實如枳食之宜子孫

宣山有桑焉大五十丈

國五丈也

其枝四衢

言枝交互四出

其葉大



尺餘赤理黃華青柑名曰帝女之桑

婦女主蠶故以名桑

茲山有木焉其狀如棠而赤葉名曰芒草可以毒魚

柄山有木焉其狀如樗其葉如桐而莢實其名曰芡可

以毒魚

芡一作艾

有木焉其狀如牛引之有皮若纓黃蛇其葉如羅其實如藥其木若藎其名曰建木在窰窳西弱水上

大荒之中有山名曰孽搖顓羝上有扶木柱三百里其

葉如芥

柱猶起高也葉似芥菜

有雲雨之山有木名曰欒禹攻雲雨

攻謂槎伐其林木

有赤石

焉生藥

言山有精靈復變生此木於赤石之上

黃木赤枝青葉羣帝焉取

藥

言樹花實皆為神藥

有木青葉紫莖玄華黃實名曰建木百仞無枝有九櫨

枝回曲也音如斤斲之斲

下有九枸

根盤錯也淮南子曰大木則根擢音劬

其實如麻

似麻子也

其葉如芒

芒木似棠梨也

大皞爰過

言庖犧於此經過也

黃帝所為

言治護之也

不周之山爰有嘉果其實如桃其葉如棗黃華而赤桴

食之不勞

有木焉其狀如棠而員葉赤實實大如木瓜名曰櫟木  
食之多力

放臯之山有木焉其葉如槐黃華而不實其名曰蒙木  
服之不惑

崆山多丹木葉員而赤莖黃華而赤實其味如飴食之  
不饑

敏山有木焉其狀如荊白華而赤實名曰荊音計相服者

不寒

有木焉其狀如棠華黃赤實其味如李而無核名曰沙棠可以禦水食之使人不溺

崦嵫之山其上多丹木其葉如穀其實大如瓜赤符而黑理食之已痺可以禦火

北號之山有木焉其狀如楊赤華其實如棗而無核其味酸甘食之不癯

東始之山有木焉其狀如楊而赤理其汁如血不實其

名曰芑可以服馬

以汁塗之則馬調良

厯兒之山其上多樞多櫟木方莖而員葉黃華而毛其實如楝服之不忘

陰山多雕棠葉如榆葉而方實如赤菽食之已聾

有木焉名曰黃棘黃華而員葉其實如蘭服之不字有木焉名曰天楠方莖而葵狀服者不噎食不噎

少室之山有木焉其名曰帝休葉狀如楊其枝五衢黃華黑實服者不怒

秦室之山有木焉葉狀如梨而赤理其名曰栟木食之  
不妒

講山有木焉名曰帝屋葉如椒赤實可以禦凶

浮戲之山有木焉葉狀如櫟而赤實名曰亢木食之不

蠱

並上

白深桂夷用闕木

夷東北夷也木生水中黑色而光其堅若鐵

集韻闕茲消切

康人

以桴以桴者其實如李食之宜子

康西戎別名食桴茲即有身說文

一名

馬錫 山戎戎菽白州比閭比閭者其華若羽伐其木

以為車終行不敗禽人管路人大竹五湖元唐鉅野菱  
書周

南方大荒之中有樹焉名曰杗稼杗杗梨也稼謂株  
稼也杗親杗也三千歲作花九千歲作實其花藥紫色  
其實赤色其高百丈或千丈也數張自輔東西南北方  
枝各近五十丈葉長七尺廣四尺五色如綠青禾皮如  
桂梓辛理如甘草味飴實長九尺圍如長無瓢核竹刀  
割之如酥得食復見實即滅矣言復見後實熟者壽一

萬二千歲

神異經

東南荒中有柳木焉其枝喬直上二百歲葉落而生花  
花影如甘瓜復二百歲一落盡而生萼下生子三歲而  
成熟成熟之後不長不減子形如寒瓜此實不取萬世  
如故若取下子而留萼萼復生子如初瓢甘美如蜜食  
之令人身澤不可過三升令人暝醉半日乃醒一名無  
葉一名倚驕一名綺縞

南荒有如何之樹其實如棗其長五尺剖以金刀則甘



蘆刀則辛竹刀則苦木刀則酢

上並

千載木其中有蟲名曰賈誼狀如豚食之如狗肉味

白澤

國

頻斯國有大楓木成林高六七十里善筭者以里計之  
雷電常出樹之半其枝交蔭於上蔽不見日月之光其  
下平淨掃灑雨霧不能入焉

拾遺記

瀛州有樹名影木日中視之如列星萬歲一實實如瓜  
青皮黑瓢食之骨輕上如華蓋羣仙以避風雨

員嶠山有木名猗桑煎樵以為蜜

並上

都夷香如棗核食一片則歷年不饑以粒如粟米許投

水中俄而滿大盂也

洞冥記

上林苑有白銀樹十株 黃銀樹十株 千年長生樹

十株 萬年長生樹十株 扶老木十株 琉璃樹十

株 池離樹十株 離婁樹十株 守宮槐六株 金

明樹二十株 搖風樹十株 鳴風樹十株

西京雜記

積草池中有珊瑚樹高一丈二尺一本三柯上有四百

六十二條是南越王趙佗所獻號為烽火樹至夜光景

常欲燃上

黃金山有楠樹一年東邊榮西邊枯後年西邊榮東邊

枯年年如此張華云交讓樹也

述異記

影娥池北作鳴禽之苑有生金樹破之皮間有屑如金而色青亦名青金樹

聚窟州有返魂樹伐其根心於玉釜中煮取汁又熬之令可丸名曰驚精香或名震靈丸或名反生香或名卻

金史卷四十三  
死香死尸在地聞氣即活

並上

影娥池有女香樹細枝葉婦人帶之香終身不絕

洞冥記

無憂樹女人觸之花方開

花木考

聖木食之令人智聖

上

海中有銀山生樹名女樹天明時皆生嬰兒日出能行至食時皆成少年日中盛壯年日晚老年日沒死日出復然

廣州有樹可以禦火山北謂之慎火多種屋上以防火

也

南越志

木有摩厨生於斯調國其汁肥潤其澤如脂膏馨香馥郁可以煎熬食物香美如中國用油

異物志

都句樹似栢欄木中出屑如麵可啖

劉欣期交州記

萼母樹皮有蓋狀似栢欄但脆不中用南人名其實為萼用之當裂作三四片

上

佷山有異木人無見其朽者其名千歲葉似棗色似桑

冬夏青貞強少節

宜都山川記

平興縣有華樹似堇又似桑四月常有花可食甜滑無

子此薺木也

顧微廣  
州記

木蜜樹根甚大伐之四五歲乃斲取不腐者為香

廣記

祁連山有僊樹人行山中以療饑渴者輒得之飽不得

持去平居時亦不得見

西河  
舊事

莎樹出麵一樹出一石正白而味似枕椰出興古

蜀志  
記

棹樹榦葉俱似椿以其葉鬻汁漬果呼為棹汁若以棹

汁雜蔬肉食者即時為雷震死棹出高涼郡

南方草  
木狀

西安府鄠縣有淨土樹俗傳西域鳩摩羅什憩此覆其  
屨土中生茲樹二月開花如桃花

東海有倒生之木觸之則葉翕上黨有不灰之木蘸以  
石腦油則燃大食西有嬰彌之樹見人善笑摘之則槁

覽  
玄

東武有勝火之木燒之不死亦無損也

齊地記

嶺南容州有勾芒木可以為布里人所斫之新條更生取

之績以為布

寰宇記

男青樹名也

羅浮山記

女青亦木名見道藏有女青鬼律

桑苑

廣州有樹可以禦火或謂之慎火或謂之戒火多種屋

上以防火也但南中無霜雪故成樹

南越志

熊耳山上有青丹之樹得而服之成僊

咸弘之荊州記

木連理王者德澤純洽八方合為一則生

宋書

昭王與西王母遊通雲臺常有衆鸞鳳鼓舞如琴瑟和

鳴神光照耀如日月之出臺左右種恒春之樹葉如蓮



花芬芳如桂花隨四時之色昭王之末仙人貢焉列國  
咸賀王曰寡人得恒春矣何憂太清不至恒春一名沉  
生如今之沈香也有草名濡軒葉色如紺莖色如漆細  
軟可縈海人織以為席薦卷之不盈一手舒之則列坐  
方國之賓莎羅為經莎羅草細大如髮一莖百尋柔軟  
香滑羣仙以為龍骨之轡

拾遺記

東方朔從西邠汗圓歸得聲風木十枝獻帝長九尺大  
如指此木臨因桓之水則禹貢所謂因桓是也其源出

甜波樹上有紫燕黃鵠集其間實如油麻風吹枝如玉  
聲因以為名帝以枝遍賜羣臣臣有凶者枝則汗臣有  
死者枝則折昔老聃在於周世年七百歲枝竟未汗倭  
佺生於堯時年三千歲枝竟未一折帝乃以枝問朔朔  
曰臣已見此枝三過枯死而復生豈汗折而已哉里語  
曰年未半枝不汗此木五千年一汗萬歲不枯

洞冥記

元光中帝起靈壽壇壇上列植垂龍之木似青梧高十  
丈有朱露色如丹汁灑其葉地皆成珠其枝似龍之倒

垂亦曰珍枝樹

述異記

漢世有道士從外國將貝多子來於嵩高西脚上種之

有四樹與衆木有異一年三花白色香美

初學記

華林園君子樹三株

晉宮閣名

明年太寧元年九月會稽剡縣木生如人面是後王敦

稱兵作逆禍敗無成

晉書

已陵縣南有寺僧房牀下忽生一木隨生旬日勢凌軒棟道人移房避之木長便遲但極晚秀有外國沙門見

之名為娑羅也彼僧所憩之蔭常著花細如白雪元嘉

十一年忽生一花狀如芙蓉

盛弘之  
荊州記

齊永明九年秣陵安明寺有古樹伐以為薪木自然有

法大德三字

酉陽  
雜俎

吳興山中有一樹類竹而有實似莢狀鄉人見之以問

陸澄澄曰名洛如花郡有文士則生

張寶就  
印錄

南海郡送都念子樹一百株勅付西苑十六院內種此

樹高一丈許葉如楊枝柯長細花金色花葉正赤似蜀

葵而大其子小於柿子甘酸至美蜜漬為粽益佳

大業拾遺

煬帝令朱寬征琉球國還獲男女口千萬人并雜物產與中國多不同得金荊榴數十斤木色如真金蜜綴而文彩盤甍有如美錦盛香極清可以為枕及案面雖沈檀不能及之

果苑

佛在世時有闍陀比丘須木造房有薩羅樹林便往伐之持用成房爾時林中有鬼神依止此林語闍陀言莫斫是樹令我小弱男女暴露風雨無所依止闍陀答言

死鬼速去莫住此中誰喜見汝即便伐之時此鬼神即  
大啼哭將諸兒子詣世尊所佛知而故問汝何以啼哭  
答言世尊尊者闍陀伐我林樹持用作房我男女大小  
風雨漂露當何所依爾時世尊為此鬼神隨順說法憂  
苦即除去佛不遠便有林樹世尊指授令得住止

法苑珠林

有神藥樹名曰摩羅陀祇主厭天下萬毒不得妄行有  
大神蛇身長一百二十尺蛇行索食有黑頭蟲身長丈  
五蟲行道中與蛇相逢適欲舉頭前嚙大蟲蛇聞藥香

屈頭欲走蛇身羅藥樹即中斷分作兩段頭半生欲走  
尾便臭爛諸毒聞此蛇臭衆惡毒氣悉皆消滅

善信經

昔閻浮有國名波羅奈時有人名摩訶夜移有二子長  
名善求好積諸德慈愍衆生次名惡求好為惡事恒生  
貪心懷嫉妬意年各長大共行入海求索寶物各有五  
百侍從途路懸遠中道乏糧經於七日去死不遠是時  
善求及諸賈人咸共誠心禱諸神祇欲濟饑險於空澤  
中遙見一樹枝條鬱茂便即趨之有一泉水善求及衆

悉共哀求樹神現身語之所去一枝所須當出諸人歡  
喜便斫一枝美飲流出斫第二枝種種食出百味具足  
咸共承接各得飽滿斫第三枝出諸妙衣種種備具斫  
第四枝種種寶物悉皆具足裝馱悉滿所須盡辦惡求  
後到衆人如前盡得充足便自念言今此樹枝能出是  
種種好物況復其根今當伐之足得極妙佳好之物令  
人伐之善求語惡求言我等饑乏蒙此樹恩得濟餘命  
云何而欲伐之惡求即掘其根善求感佩不忘見之領



衆歸家伐樹已竟有五百羅刹取此惡求及諸賈人悉  
皆噉之財物喪失

過去閻浮提人壽八萬歲時有轉輪聖王出世名高羅  
婆王有樹名善住尼拘類王而有五枝第一枝者王所  
食及皇后第二枝者太子食及諸臣第三枝者國人民  
食第四枝者沙門梵志食第五枝者禽獸所食尼拘類  
樹果大如二升瓶味如淖蜜丸無有護者亦無相偷有  
一人來饑渴極羸顏色顛顛欲得食果往至樹王所飽

咱果已毀折其枝持果歸去尼拘樹王有一天依而居之彼作是念閻浮洲人異哉無思無有反覆我寧令樹無果即不生果復有一人饑渴極羸欲得咱果往詣樹所見樹無果即往詣高羅婆王所白曰天王當知善住尼拘樹王無果王聞已如力士屈伸臂頃至三十三天住帝釋前白曰拘翼當知尼拘樹王不生果於是帝釋及高羅婆王如力士屈伸臂頃至善住尼拘類樹不遠而住化作大水暴風雨已拔根倒樹於是樹王居止樹

天因此故憂苦愁慙啼泣垂淚在帝釋前立帝釋問曰  
何意啼泣彼天白曰當知大水暴風雨拔根倒樹願善  
住尼拘類樹王還復如本於是天帝復化作大水暴風  
雨已今尼拘樹王即復如故

中阿  
舍經

廣博物志卷四十三